

NOVNCIVS
INANI-
MATVS.



Londini.

In Utopia: Anglia
1629.

N
I

I.



telle
rum
Vt, qu
senten
cere
nino b

2

vix v
qui a
solet a
si forte
doque
berto
to aut

3

NVNCIVS

INANIMATVS.

I.



*Eminem latere po-
test, qui Philoso-
phiam vel primis
(quod aiunt) labris
degustarit, ad in-*

*tellectum humanum nihil nisi exterio-
rum sensuum adminiculo peruenire;
Ut, qui aliam, siue absentem, siue pra-
sentem, sua voluntatis certiore fa-
cere velit, hunc aditum ingredi om-
ninò habeat necesse.*

2 *Et apud praesentes quidem, alio
vix utimur medio quam sermonis,
qui auditus ministerio, mentem menti
solet aperire, & quasi coniungere; nisi
si forte Pallas aliquis reperiatur quan-
doque, qui (ut de Claudiano illo li-
berto Tacitus) seruis nihil nisi scrip- Anna?
to aut nutu mandare solitus est. 13.*

3 *Absenti qui volunt aliquid in-
dicare,*

A 3.

dicare, & Nunciorum fidei non omnia credere, per oculos ingerunt, quæ per aures, aut non possunt, aut tutum non existimant. Quem quidem in finem, literas solemus exarare, animi indices, quæ iussa plerunque satis fideliter peragunt, nisi ubi, vel Nunciorum perfidia, aut negligentia, vel itinerum impedimenta in causâ sunt, ut ad destinatum locum indicia nostra non perveniant.

4 His utiq; incommodis, remedia nonnulla sunt ab antiquis excogitata; quæ (præterea quod viam expedire videbantur, & Nuncios adhibere, qui facile non possent corrumpi) celeritatem etiam pollicebantur, qualem nullus hominum præstare posset, nisi qui tanquam Perseus alter, Pegasus nescio quem alatum (ut literas seque perferret) nactus fuisset.

5 Illorum inuenta huiusmodi apud Historicos commemorata, non pigebit paucis recensere, ut postquam Nuncium porro hunc meum describerim, & quid polliceatur retulerim, quantum

quantum nostra Commenta antiquorum illa transcendant, tunc demum lectori innotescat.

6 Cecina Volaterranus (ut habet Plinius) comprehensas hirundines in urbē secum auferens, victoriæ nuncias amicis mittebat, illito victoriæ colore. Tradit & Fabius Pictor in Annalibus suis, cum obsideretur præsidium Rom. à Ligustinis, hirundinem à pullis ad se allatam, ut lino ad pedē eius alligato, nodis significaret, quo die, adveniente auxilio eruptio fieri deberet. Et D. Brutus in obsidione Mutinēsi, Epistolas annexas columbarum pedibus, misit in castra consulum.

7 Sed horum omnium inuenta multis gradibus superavit illud Mammaluchorum Aegyptiorum Alexandriam incolentium, de quibus sic scribit Bern. quidam de Bridenbach Decanus Moguntinus. Quanquam fortē sit difficile creditu (inquit ille) tamen omnino sic se habet quod narrabo. Amiralduſ ſemper apud

Nat. Hist.
lib. 10.
cap. 24.

Pli. ibid.

Pli. lib. 10
cap. 37.

Itin ter.
5. in oct.
28 1483.

se quasdam disciplinatas habet columbas sic edoctas, vt quocunque perrexerint, in Amiraldi curiam reuertantur. Earum duas aut tres, naucleri (emissi in occursum Alexandrinum portum petentium) secum recipientes, educunt per mare vsque ad locum in quo aduenientes possunt explorare, vbi mox conscriptam schedulam continentem quæ scitū necessaria sunt, ad collum vnius columbæ suspendunt, eamque sinunt auolare; quæ continuo volatu ad mensam vsque Amiraldi schedulam afferens, quales sint venientes indicat. Quod si post primam emissam columbam, aliud quippiam Amiraldo fuerit significandum, mox secundam emittunt columbam, vel etiam tertiam, si necesse fuerit: Et ita longe antequam naues portum intrent, Amiraldus de eis est edoctus. Dicitur etiam quod alias habet columbas, quas vsque in Cayrum transmittit ad Soldanum tempore

5

pore quo aliquod repentinum & arduum inciderit negotium sibi necessario significandum. Porro si naucleri ab ipso Amiraldo emissi, nauium conditiones inuestigare nequiverint, hoc ipsum per columbas sibi renunciant, &c.

8 *Hisce similibusque rationibus aliquid significatum quandoque comperimus, sed anibus semper bainlis, cum nos internuncium dare polliceamur, qui non solum non ales aut alatus, sed ne animal quidem sit, & tamen celeritate animalium quoduis vel perniciosissimum, multis (quod aiunt) parasangis antecet.*

inanimatus.

9 *Ad institutum igitur nostrum propius accedit illud eorum, qui noctis accensis ignibus, interdum fumo, amicis procul disitis, breuissimo temporis spatio quod visum fuerit significarunt. Sic Graci è Sciatho confederatis suis qui ad Artemisium castra habebant, & Mardonius Persa ab Athenis in Asiam usque, sicuti ab Herodoto traditum est.*

In Polym.

In Calliope.

A 5 10 Isti

10 Isti enimvero (quantum per-
spicio) non omnia quæ expedire vide-
rentur huiusmodi signis annunciabant,
sed unum duntaxat aliquod de quo in-
ter ipsos antea conventum fuerat, ut-
pote Athenas eo temporis articulo cap-
tas, aut exscensionem factam in ter-
ram hostilem, tum cum in his aut illis
locis aut flamma aut fumus excitatus
esset.

In Tib.
c. 65.

11 Plus multò mihi videntur præ-
stitisse, Tiberiani illi apud Suetonium,
qui quo tempore prudentium ille ne-
quissimus in Caprearum insula bellua-
retur, ac tunc præcipuè quando Seia-
num opprimere satagebat; signa (ne
nuncij morarentur) tolli procul,
ut quidq; foret factum mandavit.
Quæ verba videntur innuere, ita ra-
tiones suas instituisse Tiberium, ut
omnia cognitu necessaria, per huius-
modi signa in continenti procul elata,
ipse in insula degens intellexerit.

12 Quâ in re si non hallucinor, fa-
cile subeat admirari, quæ eveniat, ut
ars huiusmodi, omnia animi nostri
sensa

sensa sic sine Nuncys ad absentes procul annunciandi, in hac nostra Europa interierit, aut saltem ab eo tempore nunquam fuerit usurpata, quantum Historiarum classicarum lectione possum reperire.

13 *In hac, inquam, nostra Europa: Nam apud Cataianos in summa perfectione hodieque vigere, clarissime patet clarissimi Scriptoris testimonio, Aug. Busbequij, de cuius fide dubitare esset nefas, nisi is aliena fide niteretur. Sed ipsum audiamus sic loquentem.*

14 *Postquam multorum Mensium labore ad angustias ac veluti claustra regni Catayani peruentum est; (nam bona pars ditionis regis Cathay Mediterranea est, asperis montibus præruptisque saxis circumdata, nec potest intrari nisi per fauces, quæ Regis illius præsidij tenentur) ibi Mercatores interrogantur, quid ferant, unde veniant, & quo sint numero; quæ regij præsidarij cognita, inter-*

Epist.
Turcic 4

terdiū fumo, noctu per ignes, proximæ speculæ tradunt, illa vicissim sequenti, ac sic deinceps, donec aliquot horarum, quod plurium dierum spatio non posset, nuncius, Cathaium ad regem de Mercatorum aduentu transferatur, qui quidem pari celeritate eademque ratione quid sibi placeat responderet, admitti omnes, an partim excludi, aut differri velit.

15 *Ab huiusmodi speculis, (quas nos Anglicè [Beacons] appellamus) aliquid enuntiari posse, maiores nostros non latebat, à quibus nempe morem accepimus hostium aduentum earum ope declarandi. Verum illa duntaxat ratione, tot hominum & iumentorum numerum, gentem, mercimonia, & alia scitu necessaria sigillatim referre, opus videtur magis arduum & difficile, quàm ut solertia gentis Barbara, & Philosophia tam humana quàm diuina penitus ignara, prestari posse existimem. Atq; de visu, (quem non sine causa Cicero sensuum*

suum acerrimum pronunciauit.) *Hæc De Orat.*
hactenus. 2.

16 *Vt iam ab oculis ad aures transeamus ; legendo huc usq̃ vix comperi, aliquam rationem excogitatam ab antiquis, aut à Modernis usurpatam, quâ huiusce sensus beneficio, notitiam quisquam perciperet, à loco, paulò longinquiori intervallo dis-sito, nisi per Nuncij intermeantis sermonem.*

17 *Huc tamen aliquid spectat, quod prodidit nobis Sol omnis antiquitatis (ac nostræ præsertim Britannicæ Camdenus in his verbis : Muri Pictici, (quem ad Borealem Angliæ partem construxit Seuerus) accolæ tubulum æreum, eo artificio muro insertum, inter singula Castella & Turres intercurrisse ferunt, (cuius fragmenta subindè repere-runt) vt si quis vocem in eum quacunque turri immisisset, statim sonus in proximam, inde ad tertiam, & omnes deinceps non interruptus perferretur, ad significandum*
vbi

*In Britan.
 pag. 652.*

vbi loci hostium insultus timere-
tur: Cuiusmodi miraculū de tur-
ribus Bizantijs in Seueri Historia
refert Xiphilinus. Sed cum murus
nunc iaceat, (*inquit ille*) & tubulus
sit nullus, multi hic circumquaque
prædia in Cornage (vt Iuridici lo-
quuntur) à Regibus nostris tenent,
videlicet, vt cornu irruptiones ho-
stium vicinis significant; quod à
veteri Romanorum instituto de-
ductum nonnulli existimant. Ha-
tenus Camdenus, qui omnia An-
tiquorum inuenta ad hunc scopum
tendentia his in verbis complexus est.

18 Haud abs re fuerit fortassis,
vt postquam de visu & auditu disse-
ruimus, nonnihil etiam dicamus de ta-
ctu: cuius sensus ministerio procul
absentibus aliquid posse significari, sine
Nuncio præsertim; neque traditum
est huc vsque ab aliquo (vt existimo;) *nec*
vt fieri possit, credibile videatur.
Ego autem & fieri posse, & factu esse
facile contendo, ad Milliaris vnus,
aut forte etiam aliterius distantiam,
quan-

quamquam experimento ut hoc ipsum haberem exploratum mihi nondum contigit, & utrum opera pretium denique futurum sit, non pronuntio.

19 Ad ceteros verò illos sensus quod attinet, (visus inquam & auditus:) hoc dico, & fidenter dico: Primum, nunciari posse ab artis huiusce gnaro, ad alium similiter gnarum procul absentem, (modò intra quartam partem milliaris) sine obsesum, sine latentem, aut fortassis detentum in aliquo loco, qui nuncianti planè notus non sit, & etiamsi notus, tamen non accessibilis, omnia sigillatim quaecunque voluerit, & conducere existimarit. Arceantur procul omnes homines, corpus in ergastulum compinge, vinciantur manus, caput obnubito; Cateroquì non sis molestus, verba cuncta auribus percipiet absentis amici, illi modò amico libertas non sit imminuta adeò quin ea valeat facere quae fieri solent quandoque à liberis hominibus, aut saltem quae se facere posse quisque existimet sine periculo.

20 Dico

20 Dico deinde, quod cognito loco ubi amicus resideat ad quem notitia perferri debet; & si uterque plena fruatur libertate; rationes etiam antea fuerint inita quæ ad mediæ dispositionem sunt conducibiles; ad centessimum usque milliæ (forte etiam vel milesimum) omnia posse nunciari tali amico, sine nuncio, hominum (imò ne animalium) quoquam intercurrente, idque infra brevissimum temporis spatium, horarium puta, aut multo fortasse contractius.

21 *Miranda* (inquis) sed non credenda. Hocceine verò tam mirandum aut incredibile videatur? Habes adhuc generalia tantum & specificè; ecce unum individuum de quo minùs credas. Mandetur nuncio huic meo Londini (modo paucis) quicquid annunciari cupis amico Bristolie, Wellie, aut si mauis Exonia degenti (neque enim longinquitatem viæ multum moror, si detur facultas sternendi & permeabilem efficiendi) mandetur (inquam) Londini, idque in ipso articulo meridiei,

diei, unus aliquis integer sacra Biblia
versiculus annunciandus; Curabo ut
mandata is exhibeat loco designato
(attende quid dico) ante meridiem
eiusdem diei.

22 *Advertens* ne temerè pronunties:
Seriùs aliquot minutis ad Bristolien-
sem quam ad Londinensem meridia-
num sol peruenit. Hoc tantum est
quod mirere, nuncium qualemcunque
motum celestem pernicitate posse ante-
vertere. Iste vero faciet; faciet (in-
quam) si opus fuerit, aut ego omni-
um qui fari aut scribere unquam sci-
uerunt vanissimus.

23 De arcibus aut ciuitatibus ob-
sessis quid loquar? Nuncius noster
inanimatus animæ haud metuens, in-
numerorum hostium phalanges per-
transibit; non morabitur cum fossa
ad infernum usque depressa, aut Mu-
rus vel Babylonis illis mœnibus excel-
sior, quin verba fideliter perferat emit-
tentis, modò, (quod semper moneo,)
pauca, siue obsessus is fuerit, siue ad
obseffum aliquid velit significare, idq;
veloci-

velocitate incredibili, si intra aliquot
milliaria, 5. (puta) vel 7. detur con-
sistere, quanquam non diffido à vige-
simo usque hoc ipsum satis commode
præstari posse.

24 Habes iam tria huiusce nuncij
mei promissa, quæ quomodo inter se
differant, perspicuitatis gratia opera
pretium fortassis fuerit demonstrare.

25 In primo, laudo fallendi astu-
tiam; in secundo, transeundi celeri-
tatem; in tertio, cuncta penetrandi
potentiam & vim inuictam.

26 Quod primo in loco pollicitus
sum, facillimè præstabit, sine sumptu,
sine opera cuiusquam præterquam e-
mittentis. Hoc vero habet incommo-
di, quod illius usus paulo crebrior
suspensione non vacabit.

27 Quod secundo, fit etiam sæpe-
numero absque ope aliena, & nonnullis
in locis operam exhibebit temporariam
fere sine sumptu: plerumque vero pa-
rum aut nihil efficit sine præparatione,
eique tali, ut pro singulis milliariis,
quis plus minus libris nostratibus

con-

constare possit, si ad perpetuum usum
destinetur; omnino nihil sine nutu at-
que autoritate Magistratus, cui per-
quam facile est nuncio nostro hanc vi-
am praecludere.

28 Ad tertium quod attinet, haud
magnum profecto sumptum requirit:
Oportet verò ut is qui agit, in loco ali-
quo tuto constitutus sit, eoque non ni-
mum distante, ubi vim hostilem
possit propulsare, donec operationem
perfecerit: Negandum proinde non
est, immittentis quam emittentis hic
deteriorem esse conditionem.

29 Videris mihi iam lector per-
contari, quoniam sensuum percipiente,
haec omnia sic annuncianda amicus in-
telligat; nam sunt sensus intellectus
satellites (ut Cicero) interpretes De leg. 1.
& nuncij, utpote per quos solos ad il- De. nr.
lum pervenitur. De. la.
Respondeo, Auditum
nonnunquam, nonnunquam etiam vi-
su. Rationem queris, quo modo?
habebis paucis, & proinde fortassis
non tam clarè quin paradigmata re-
quiras.

30 Si oculis amici absentis aliquid
 cupis representare, absentis inquam
 & procul absentis, idque citius quam
 corpus aliquod sublunare ad locum
 tam longo intervallo disjunctum pos-
 sit perferri (nam & id in me recipio)
 oportet ut idea sine formæ visibiles,
 augeantur quantitate, multiplicentur
 numero, & pro rerum significanda-
 rum varietate varientur, vel qualita-
 te, vel quantitate, vel situ, vel ordine.

31 Auribus nihil percipi nisi per
 sonum neminem fugit. Erit igitur ne-
 cesse ut is, cui aliquid auditu medi-
 ante nunciatum fuerit, Sonos audiat,
 eosque distinguibiles pro numero Au-
 diendorum, quæ cum sint infinita, infi-
 nita etiam sit oportet, sonorum eden-
 dorum varietas. Satis tamen erit, ut
 distinguantur, vel genere, vel tempo-
 re, modò etiam & numero.

32 Hæc qui probe intellexerit (&
 exemplis omnia luce fient clariora)
 quomodo perferantur huiusmodi soni
 ad locum procul distantem nunquam
 percontabitur.

33 Ne

33 Ne verò malis & damnatis
artibus hac effici quisquam suspicetur;
Deo Opt. Max. teste, profiteor atq;
denuntio, illiciti nihil continere hanc
disciplinam: nihil aut Divinis, aut
humanis legibus repugnans: Arith-
metica, Geometria, Musicaque auxi-
liopleraque, cetera si non usitatis, at
legitimis rationibus perfici, idq; sump-
tu sanè mediocri, penè dixeram nullo:
Multa siquidem præstari possunt in
hoc genere, sine aliquo vel unius Te-
rentij impendio.

34 Ac ista quidem cum sic se ha-
beant; sapientibus dijudicandum re-
linquo, primum an, deinde quantum &
quousq; hac nostra inuenta Reipub.
utilia sint futura. Si in primo defici-
ant, moriantur, & sicut Partus abor-
tius, aut lucem non videant, aut visâ
ne tantillum fruantur, sed protinus in-
creant.

35 Ego enim verò, cum huiusce
artis usum fore permagnum existi-
nem, tam pacis quàm belli tempore;
officio meo consentaneum duxi, operam
meam

*meam in ea tradenda deferre; Quod
tamen non faciam libenter ita, ut cum
passim pluribus innotuerit, ea suo tem-
pore uti nequeamus.*

LECTORI DE AVTHORE.

P*raestat pòl Scilo, Artifex peritus;
Damon, Artifici: Artifex sed hicc
Et Motu prior, atque maior Arte,
Praestat credere, Damoni vel ipso;
Praestat Damoni & antevertit ipso.*

Ed. M. Ch.

Aliud eiusdem.

*Dic quæso, si non duce Damone tanta,
quis ergo?*

*Angelus Hic bonus est? A. Hic est
bonus, Hic.*

P. BERTII,
PROFESSORIS
ET COSMOGRA-
PHI REGII

BREVIARIVM TOTIVS
ORBIS TERRA-
RVM.

*Cui accessit series Romanorum Im-
peratorum.*



HANOVIAE,
Sumptibus Clementis
Schleichii, & Petri de Zetter.

M. DC. XXIX.